



# SVEUČILIŠTE / UNIVERZITET "VITEZ"

## VITEZ

Poslovni centar Vitez 96-2, Vitez

Rektorat; Poslovni centar Vitez 96-2, Vitez

Menadžment; Školska 23, 72270 Travnik, Bosna i Hercegovina,

Studentska služba i Nastavna služba; Školska 23 72270 Travnik, Bosna i Hercegovina,

www.unvi.edu.ba

### KRITERIJI

### ZA SPROVOĐENJE POSTUPKA ZA IZBOR U NASTAVNA ZVANJA

### NA SVEUČILIŠTU/UNIVERZITETU "VITEZ"

1. *Zakonom o visokom obrazovanju SBK/KSB* (čl.84) utvrđeni su **minimalni uvjeti** za izbor u nastavna zvanja, i to za:

- **asistenta:** odgovarajući univerzitetski stupanj sa najmanje 240 ECTS bodova i najnižom prosječnom ocjenom 8 ili 3,5;
- **višeg asistenta:** stupanj drugoga studijskoga ciklusa (magisterij);
- **lektora:** stupanj drugoga studijskoga ciklusa (magisterij);
- **docenta:** naučni stupanj **doktora nauka u datoj oblasti, najmanje tri naučna rada** objavljena u priznatim publikacijama, pokazane nastavničke sposobnosti;
- **izvanrednog profesora:** proveden najmanje jedan izborni period u zvanju docenta, **te najmanje pet naučnih radova** objavljenih u **priznatim publikacijama**, objavljena knjiga i originalni stručni uspjeh kao što je projekt, patent ili originalni metod, sve nakon izbora u zvanje docenta, **mentorstvo kandidata za stupanj drugoga studijskoga ciklusa;**
- **redovitog profesora:** proveden najmanje jedan izborni period u zvanju izvanrednog profesora, najmanje dvije objavljene knjige, **najmanje osam naučnih radova** objavljenih u **priznatim publikacijama**, sve nakon stjecanja zvanja izvanrednog profesora, **te uspješno mentorstvo kandidata za stupanj drugog i trećeg studijskoga ciklusa.**

Navedeni **uvjeti predstavljaju minimum**, koji svaka visokoobrazovna institucija mora da primjenjuje u postupku izbora u nastavna zvanja. Svojim normativnim aktima i odlukama **visokoškolska institucija može da utvrdi i druge (strožije) uvjete**, kao što su uradili pojedini univerziteti. Naš stav je da u ovom trenutku nema potrebe za pooštavanjem navedenih uvjeta na Sveučilištu/Univerzitetu "Vitez". Ova oblast regulirana je našim Pravilnikom o akademskim zvanjima (vidi na web stranici).

2. Jedini uvjet, koji nije jasan i stručno utemeljen u navedenim zakonskim odredbama je **"priznate publikacije"**, pa iz tog razloga postoji potreba da Sveučilište/Univerzitet "Vitez" bliže precizira šta se podrazumijeva pod ovim terminom. Pošto u propisima FBiH ne postoji propis kojim se bliže određuju elementi ovog pojma, koristit će se analogno rješenja iz susjednih zemalja, odnosno drugog entiteta (Republike Srpske), po kojima se svi **stručni časopisi** grupišu i sljedeće skupine:

1. Vrhunski međunarodni časopis
2. Istaknuti međunarodni časopis

3. Međunarodni časopis/ časopis međunarodnog značaja
4. Vodeći časopis nacionalnog značaja
5. Časopis nacionalnog značaja
6. Naučni časopis

*U naučne publikacije* svrstavaju se:

1. Zbornik radova sa naučnog skupa međunarodnog značaja
2. Zbornik radova sa naučnog skupa nacionalnog značaja
3. Tematski zbornik

Časopis "Tranzicija" se svrstava u međunarodne časopise, zbornici fakulteta u okviru Sveučilišta/Univerziteta "Vitez" u naučne časopise a radovi na međunarodnim konferencijama koje organizira Sveučilište/Univerzitet "Vitez" u zbornike radova sa naučnog skupa međunarodnog značaja.

Pored časopisa „Tranzicija“ naš Fakultet zdravstvene njege izdaje časopis koji je međunarodno priznat pod nazivom „**South Eastern Europe Health Sciences Journal (SEEHSJ)**“.

3. Pod **naučnim radovima** smatraju se **samo radovi koji su objavljeni u** (a) vrhunskim međunarodnim časopisima, (b) istaknutim međunarodnim časopisima, (c) međunarodnim časopisima, (d) vodećim časopisima nacionalnog značaja, (e) časopisima nacionalnog značaja i (f) naučnim časopisima, ako su svrstani u jednu od sljedećih kategorija:

- izvorni naučni (znanstveni) rad (članak),
- prethodno saopćenje (priopćenje) i
- pregledni rad (članak).,
- izlaganje na znanstvenim (naučnim) skupovima.

4. Radovi koji su objavljeni u zbornicima sa naučnih skupova (međunarodnih i domaćih) smatraju se naučnim radovima, prema kategorizaciji koja je data u tim zbornicima.

5. Radovi koji su objavljeni u stručnim časopisima i koji se tretiraju kao stručni članci ne svrstavaju se u naučne radove.

6. Sveučilišna/Univerzitetska knjiga ili udžbenik priznaje se ona koja ima poznate i kompetentne recenzente.

7. Udžbenik na našem Sveučilištu/Univerzitetu može se koristiti kao dodatna literatura koja obuhvaća dio ili cijeli sadržaj nastavnog predmeta ali nakon preporuke dekana i rektora i uz suglasnost i odobrenje Senata.

8. Kod koautorskih radova (knjiga, udžbenika, članaka I dr.) kandidat je dužan da u prijavi navede stranice koje predstavljaju njegovo autorsko djelo.

9. Komisija za provođenje natječaja za izbor kandidata vrednuje samo one radove koji pripadaju užoj naučno-nastavnoj oblasti za koju se kandidat bira.

10. Pod mentorstvom kandidata za stupanj drugog ili trećeg ciklusa se podrazumijeva samo mentorstvo koje je okončano uspješnom javnom odbranom magistarskog ili doktorskog rada u skladu sa Pravilima studiranja Sveučilišta/Univerziteta "Vitez" za drugi, odnosno treći ciklus studiranja po Bolonjskom procesu.

Sam izbor za mentora bez uspješnog okončanja procesa javnom odbranom rada, ne smatra se završenim mentorstvom iz tog razloga što postoji mogućnost da se odbrana rada ne obavi iz niza razloga (odustanka kandidata, negativne ocjene u izvještaju o završnom radu, negativne ocjene na odbrani i dr.).

11. Za izbor u zvanje izvanrednog profesora kao minimalni uvjet, pored ostalih navedenih uvjeta traži se: originalni stručni uspjeh kao što je projekt, patent ili originalni metod. Zakonodavac nije dao obrazloženje ovih pojmova ali se mogu podrazumijevati:

- učešće u izradi raznih projekata, studija i analiza,
- razna sudska vještačenja ili revizija projekata, revizija računovodstvenih izvještaja, dokumenata i sl.,
- revizija privatizacije,
- učešće u izradi zakonskih i podzakonskih akata,
- izrada informatičkih projekata,
- ostali originalni projekti ili metode koje su specifične za određene naučne oblasti (zdravstvo, informatika, ekonomija, pravo).

12. Prilikom podnošenja dokumentacije za izbor/ponovni izbor u određeno zvanje, kandidat je dužan da priloži sve naučne i stručne radove na koje se poziva u svojoj prijavi. Radovi koji nisu priloženi smatraju se nepostojećim.